


Advis et très humbles
remonstrances à tous
princes

1574



87

Lelong, 18228

Hanser 2228

ADVIS
ET TRESHVM

BLES REMON-

strances à tous Prin-
ces, Seigneurs, Cours de
Parlement & sub-
iectz de ce Ro-
yaume,

Par un bon & grand nombre de catholiques
tant de l'estat Ecclesiastique, la No-
blesse que tiers estat, sur la man-
naise & vniuerselle dispositio
des affaires.

*



Imprimé nouuellement.

M. D. LX XIII.

THE NEWBERRY
LIBRARY

Case

F

39

.326

1574adv

A D V I S E T T R E S

humbles remonstrances à tous Princes, Seigneurs, Cours de Parlemēt & subiestz de ce Roiaume, par vn bon & grand nombre de catholiques tant de l'estat Ecclesiastique, la Noblesse que tiers estat, sur la mauuaise & vniuerselle disposition des affaires.

DAultant que les plus saincts & necessaires remedes pour reestabliir les choses mal disposees en ce Royaume sont ordinairement si cachez, & touuerts que le fruit desirable ne s'en peult tirer, & apercevoir, par ce que les premiers Princes & Seigneurs n'ont aucune cognoissance des affaires d'estat desquels ils sont esloignez par aucuns iniustes vsurpateurs du gouvernement, & enuieux de la prosperité de ceste courone, Et aussi par la crainte & desfiace que les mesmes ont bien sceu par leurs artifices nourrir & entretenir entre plusieurs bons personages & vniuersellement entre le commun du peuple.

Pour ce regard ceux qui desirent vn tant necessaire reestablissemēt ont proietté quelques premieres formes, & moiēs desquels on se pourroit aider pour faciliter
&

& paruenir à l'exécution desdits remedes
qui semblēt touteffois estre extraordinai-
res à aucuns pour la difficulté qu'ils y iu-
gent. Et pource n'y prestent leur consen-
tement n'y aucune assistance. Neantmoins
la bonté de Dieu (qui par tant de fois à
releué ceste courone comme il fault espe-
rer qu'il fera encores par sa grace) n'a point
permis que tous ceux qui en ont proposé
les moiens & ouuertes demeurent si ge-
neralement esteintz, & amortis par les
menaces qui leur ont esté faictes iulques à
les priuer pour la plus part de la vie biens
& estats qu'il n'en reste encores quelques
vns, & en bon nombre qui prennent ceste
cause en main. Et en presentant leurs tres-
humbles requestes & supplications à sa
Maiesté pour le bien commun de tous ses
subiects. Et qui en tout cas n'auront re-
cours à armes ny forces que pour empe-
scher que leurs ennemis mauuais serui-
teurs de ceste courone leur puissent nuire
Comme leur intention est de ruiner & se
desfaire de ceux qui ne veulent adherer à
leurs pernicieux desseins & deliberations.
Supplians à ceste cause lesditz catholiques
tous Princes, Seigneurs, Gouverneurs,
Lieutenants generaux de sa Maiesté, Cours

souueraines les y vouloir assister comme pour l'interest qu'ils y ont, ils s'y doibuent preparer, A quoy ils ne doutent point que le Roy mesmes selon sa bonté & inclinatio[n] naturelle pourroit volontiers consentir sans la mauuaise & faulse persuation qu'on luy donne. Que donc à ce coup chacun s'efforce pour remettre & (sil se pouuoit dire) restituer ceste courõne, En considerât avec pitié l'estat deplorable dicelle.

Premierement la ruine notoire de son peuple qui est vraiment la ruine de son dit estat.

Or que son peuple ne soit ruiné il ne se veoit point seulement en l'estat des pauvres paisans & laboureurs, Mais aussi de tous artisans & marchans, de l'Eglise entieremēt destruite, & la Noblesse laquelle aiant consumé ses biens est contrainte en poursuiure plus les actes vertueux pour n'estre rendue ne faicte, digne & capable d'aucuns honneurs & grades, quelques vaillans courageus, hazardeus, vertueux & modestes qu'ils soient eux leurs enfans comme toutes autres personnes scauans, iurisprudens, theologiens & de tant sainte vie qu'ils puissent estre sans esperance d'auoir iamais offices ne benefices.

.ii. A

Mais

Mais sont les offices vendus indiscretement, les deniers en prouenās encores que la vendition soit vn des premiers maux du Royaume, Neantmoins en sont donnez & profusement despendus auant que lofficier les ait desboursez.

Les estats & charges plus honorables & qui n'appartiennent qu'aus Princes sont administrez & maniez par persones de basse qualité & indignes de tel manie-
ment au mespris desdits seigneurs Princes & autres qui les suiuent de degré en degré.

De façon que parmy ce Royaume es plus haults lieux & premiers estats y sont establis certaines persones qui iusques icy ont esté sans nom & sans tiltre daucune famille, pleins maintenant des plus grāds thresors, possesseurs des plus belles maisons de France.

Les grandes & plus illustres maisons demourans ce pendant par ce moien du tout aneanties & la memoire de leurs predecesseurs & genereux actes, & fideles seruices qu'ils ont faict à cest estat esteints de sorte qu'à cest exemple sera à craindre que plusieurs preueoians tels traictemens pouuoir tomber sur eux se contenteront (sans s'attacher à autre seruice) de con-

duire leurs affaires priuez.

Les cours de parlement seul refuge & deffense de tout droit, & iustice ont esté interdites par ordonnances faictes à l'assettion de deux ou de trois faire aucunes modifications ne restrictions à la verification des edictz, Et de la les particuliers ont le plus souuent tel pouuoir qu'ils rompent toutes loix, ordonnances, arrests, Et tout ce qui est le mieux establi en France est renuersé à leur seule affection.

Les benefices possédez sous pretexté d'economat tant de temps que on veut sans aucun tiltre ne prouision de titulaire à la ruine des bastimés & edifices qui sont biens publics.

La plus part donnez en mariage & retenus en douaire au scandale mesmes de ceux qui n'ensuiuent la profession, qui semblent excusables sur les plaintes qu'ils font de l'alteration qu'ils pretendent à l'Eglise catholique à cause de l'indigne disposition & administration qui en est faite.

Et qui est plus pernicieux sont la plus part possédez par estrangers lesquels en tirent les deniers hors le Royaume sans que aucun les despende comme il se deburoit faire sur les lieux pour vser des offices

ces charitables esquels ils sont tenus & faire resentir aux paoures laboureurs (du sãg desquels ils recueillēt les reuenus) le fruit q̃ leur est deu de leurs labeurs & traux.

Comme semblablement la plus part des estats de France outre qu'ils sont & aucuns es mains de persones indignes, sont encores tenus par estrãgers & sans aucun merite.

Auec tel annuy à la noblesse de France quelle ne resstant plus (estant ces charges & degrez es mains de telles persones) cõment & sous qui elle pourroit obeir & faire seruice aux guerres & autres affaires publics, s'aneãtillans par la tellemēt pour ne veoir plus de lieu pour la vertu (le loier estant separé dicelle) qu'elle ne recherche ains s'esloigne de ce à qu'oy elle s'est de tout temps dignement & vertueusement attachée.

Par laduis desquels estrangers & aucũs deux à esté transigé sans en faire entendre au Roy la consequence sur crime public & comme l'vn des plus grãds que se peult commettre en l'estat.

Qui estoit la subtraction des deniers & thresors du Royaume par les thresoriers & mesmement thresoriers des guerres, qui

n'estoit autre faulte ou delict (s'il estoit)
que auoir vendu les villes, faict perdre des
batailles, rompre & abandonner les plus
belles & grandes entreprises qui se peuiēt
proposer, Et neantmoins sans amener cela
en consideratiō ont transigé & faict cesser
le faict de la iustice pour le faict de cinq
cens mil liures, Et laquelle toutesfois en-
cores n'a esté employée aux affaires du Ro-
yaume, amortissement ou rachapt des rē-
tes ou domaine du Roy, ains à priuez
vsaiges.

La despense, cest à dire les exactiōs &
consommation des deniers depuis lan mil
cinq cens soixante & vn sur l'Eglise seule,
se monte cinquāte à soixante millions sans
infinies autres charges, comme d'aces sur
les proces, prouisions, erections & vendi-
tions d'offices, nouveaux droitz de dou-
ane, vendition de petis seals d'offices de
procureurs, augmentation de tailles &
infinis autres. Et tels que la moindre par-
tie à excédé sans considerer les deniers de
l'Eglise tout ce que ce bon Roy Louys
douzieme prenoit d'ordinaire encores qu'
il eut de grnādes guerres qu'il à soustenues
esquelles il à obtenu heureuses victoires,
mené & entretenu armée hors son Roy-
aume

aume, pensions aux estrangers, grande gendarmerie, les gens de guerre bien paieez & son peuple tellement soustenu que le nom de pere du peuple luy en est demouré, & decedant à laissé les thresors de France pleins.

Au contraire maintenant le peuple est mangé, la gendarmerie point paieée, toute pieté, Religion & discipline mesprisée & delaisée, point de iustice, les meurtres non parmi le Royaume & lieux esloignez de nous, ains es lieux ou iustice est deue sans aucune punition.

Mesmes que ceste iniure est contre nostre France que aucuns sans cœur (côme est le naturel de tels pusillanimes) loger en eux toute espee de cruauté ont perfonés gaggez pour tuer ceux de la bouche desquels ils veoient la verité prest à sortir, Et preuoient que les fideles seruices, loyauté & patience de ceux contre qui ils portent enuie sont sur le point de faire cognoistre ausdites Maiestez leurs indignitez & mauuaises administrations.

Les guerres entre nous sans determination ne fin, l'un abaissé prest à prendre la loy d'obeissance, incontinct nouvelles pratiques pour vous releuer tenant tousiours

les choses en branle pour empescher que
clairement telles ruzes ne se puissent ap-
percevoir.

Desdaignans tellement la noblesse & fai-
sant si petit estat des grands Princes &
seigneurs qu'il semble qu'ils ne sont néz q
pour estre instrumens de leurs passions, les
nourrissant en telles diuisions & inimitiez
qu'ils n'ont aucun autre but que dresser
guerre les vns contre les aultres, les faisans
ainsi tuer à tous hazards es sieges, assaults
de villes, efforts de bataille & autres pe-
rils. Cependant qu'eux sont à leurs plaisirs,
espuisans les biens du Royaume sans faire
autre estat de ceste noblesse. Mais pour
toute recompense osent dire que l'on fera
plus de gentils-hommes en vn iour que
l'on n'en tueroit en trois batailles, Et que
tous sont hommes néz en mesme climat
composez de mesmes elemens.

Le peuple non seulement destruit mais
mort en sorte que de cent feux en vne pa-
roisse n'en reste que trente ou quarante,
Et neantmoins ce qui reste ruiné, & ruiné
qu'il est chargé toutesfois de toutes & tel-
les tailles qu'il fut onques, De facon que
pour les paier tous presque ont vendu
jusques aus liets & robbes de leurs fêmes,
aucuns

aucuns la tuille de leurs maisons, sans que de tout cela s'en prène pitié, Mais ose lon dire s'il y a de largēt en la moelle de leurs iambes qu'il fault rōpre les os pour lauoir.

De ceste paoureté l'Eglise & la noblesse qui ne tire rien que du labeur du paisan n'a plus de pouuoir ne moien.

Ce pendant les administrateurs de cest estat emploient ces grands deniers en tels vsages particuliers qu'il leur semble sans faire veoir à la bonté du Roy ceste misere ne luy faire penser le peril ou il tombe.

Et qui est plus à craindre se rendent infatiables faisans du peuple cōme de beufs & instrumens aratoires, continuans & augmentans les impôts, rendent le peuple du tout impuissant & par la necessité desobissant.

Chose que lon doit fuir sur tout, car ceste licence estant vne fois passée encores q̄ ce soit à faulte de pouuoir, il y a à doubter qu'il la resente & en vse par faulte de vouloir quand il en aura le pouuoir.

A quoy les choses si endōmagées desolées & desesperées qu'elles sont ne se veoid legitime remede que par la libre conuocation & assemblée des estats.

Laquelle leurs Maiestez doibuent per-

mettre, & que les pais s'assemblent pour regarder chacun endroit soy l'alienatiō du domaine pour le rachepter par les plus expediens moiens qui se pourront trouuer, Regardans ce qu'ils pourront faire pour tous ensemble apres rapporter audits estats generaux leurs moiens, les offrir proposer & en subuenir au Roy en ceste grande necessité afin de le contenter, luy remonstrer les defaux qui sont en l'administration de l'estat, de l'Eglise & de la Iustice.

Et d'autant que ceux auxquels telles saintes propositions & remonstrances sont desagreables pour quelques interests particuliers, s'efforcent les faire trouuer odieuses à sa Maiesté, luy mettrons deuant les yeux que l'assemblée d'estats n'est qu'en lun des trois cas, Scauoir le ieune aage, maladie & prison, lesquels par la grace de Dieu cessent. La response est prompte que tels remedes & propositions ne sont pas estats pour l'administratiō du Royaume, aucun n'y pense, mais ce sont remonstrances & doleances, ouuertures & remedes que lon luy veult dōner pour restituer la misere en laquelle est ceste France qui à flory deuant tous Royaumes, & maintenant est faite miserable & pitoiable à tous
les

les voisins.

Et sur ce se souuiendra il luy plait sadire
Maieſté & ceux qui estoient lors en son
conseil des offres des deputez catholiques
de Guienne & autres prouinces de faire
trouuer moié de paier les debtes & rache-
pter son domaine dedás six ans, & au bout
de ce temps qu'ils trouueront tousiours
hommes & argent pour faire les guerres
qui seroient necessaires & non point les
guerres intestines.

Pour lesquelles faire cesser regardez
maintenant vous messieurs de la Religion
reformée que les armes que lon peut dire
touteſſois vous estre iustes entant qu'elles
vous sont necessaires, n'estans principale-
ment que defensiuës pour vous conseruer,
& vos vies, ont eu peu de pouuoir & ef-
fect à obtenir & maintenir ce pourquoy
vous vous estes tant trauaillez & tant de
fois hazardez. Partant vous proposans
cela deuant les yeux ne vous attachez pas
tant aus points qui vous remuent que
n'assistiez à ceste œuvre, ne voulans ne-
antmoins & n'ayant esté nostre intention
vous faire cōtemner l'estat des cōſciences,
mais pluſtoſt l'affectionner & defendre Cō-
sideras qu'en repos public, seruice du Roy

& conseruatiō de son estat n'y à rien contraire, mais tout digne de pieté & Religio.

Et en ce faisant embrassez avec nous ces dignes & vraiment chrestiennes remonstrances pour tous ensemble supplier & requérir messeigneurs les Princes, cours de parlemēt, Mareschaux de France, Gouverneurs des Prouinces, & Lieutenans generaux de sa Maiesté, corps & ordre de messieurs les Ecclesiastiques, Noblesse & tous aultres fideles subiects qu'ils facent entendre à sadite Maiesté lesdites remonstrances à fin qu'unanimement conioincts par vn mesme consentement de volonteiz nous obtenions à leur priere & intercessiō ladite libre conuocation d'estats tant necessaire ou puissent estre entendues & proposées nos iustes doleances, l'affectiō que nous auons de secourir & aider aus affaires de France & les remedes qui se pourroiēt ouurir pour en tirer le fruiēt qui s'en peult attendre & esperer.


Et que cependant sa Maiesté ne vueille tellement fermer la porte de sa iustice qu'elle face arrester ou offēser ceux qu'elle estimera auoir donné quelque aduis ou asisté à ces saincts propos, ains esloigner de son oreille ceux qui luy proposeroient


&

& vouldroient continuer les persuasions
de vser cōtre eux des feueritez desquelles
ils sont publicquemēt menassez, nous ioig-
nans tous, maintenans & raportans nos
saincts zeles, pouuoirs, affections & ef-
fects en toute humilité & obeissance neces-
saire pour empescher l'execution des tres-
certains & publics ennemis de ce paoure
estat, & des fideles seruiteurs diceluy, En
quoy nous soions tellement conduits &
reiglez que nous ne cerchions ne suiui-
ons aucuns moiens qui ne soient vraiment
dignes de chrestie & bon seruiteur de son
prince. Vous protestās de nostre part que
nous qui ne voulōs departir de nostre re-
ligion catholique ne desirōs rien plus que
avec raisonnable contentemēt d'un chacun
soiez satisfait non par armes guerres &
violences, ains par consentement de vos
concitoiēs sous l'auctorité & par cōman-
dement de sa Maieité, pour laquelle seule
& pour la grandeur & reestablisement (si
ainsi nous osions dire) de sa courone pro-
testons auoir entré en ceste sainte volōté
& desir, & que pour sentir le fruct que
nous en attendons par la benediction de
Dieu auons abandonné cōme abandonnōs
nos vies, estats, honneurs & biens quelcō-

ques sans consideration d'autres maux & perils desquels Dieu par sa grace nous cōferuera, lequel nous supplions nous faire bien tost veoir & sentir les effectz & heureux succez de si sainctes ouuertes.

15. Regrettans autāt que pourriez & avec bonnes & iustes raisons les occasions qui feroient vous douloir des mauuais offices & rigueurs exercées sur vous de qui les vies nous sont aussi cheres & pretieuses q̄ les nostres propres & qui pouuez & debuez croire les choses passées n'estre aduenues du cōmmandement de sadite Maieſté & moins du consentemēt & assisſtāce de nous Ains par quelques passions & affections particulieres de personnes sans tiltre & qualite dont ils soient dignes, lesquelles
* maintenant nous vous prions e-
cusez de vous & du tout
ne oublier avec propos de
reconciliation & a-
mitie perpe-
tuelle.







THE
NEWBERRY
LIBRARY.

